



বাংলাদেশ টেলিযোগাযোগ নিয়ন্ত্রণ কমিশন

আইইবি ভবন, রামনা, ঢাকা-১০০০।

www.btrc.gov.bd



প্রেস বিজ্ঞপ্তি

টেলিযোগাযোগ ব্যবস্থার উন্নয়ন ও সাইবার নিরাপত্তা নিশ্চিতে বরিশালে মতবিনিময় সভা অনুষ্ঠিত

ঢাকা, ২৩ মে ২০২৩।

দেশের দক্ষিণাঞ্চলের নদীবেষ্টিত জেলা বরিশালের টেলিযোগাযোগ সেবা, অবকাঠামোগত সুযোগ সুবিধা এবং সাইবার সুরক্ষার নানাবিধ দিক নিয়ে মঙ্গলবার সকালে জেলা প্রশাসনের সম্মেলন কক্ষে এক মতবিনিময় সভা অনুষ্ঠিত হয়েছে। জেলা প্রশাসক মো: জাহাঙ্গীর হোসেনের সভাপতিত্বে মতবিনিময় সভায় প্রধান অতিথি হিসাবে উপস্থিত ছিলেন বাংলাদেশ টেলিযোগাযোগ নিয়ন্ত্রণ কমিশন (বিটআরসি)-এর চেয়ারম্যান (সিনিয়র সচিব) শ্যাম সুন্দর সিকদার। বিটআরসি'র চেয়ারম্যান দেশের সামগ্রিক টেলিযোগাযোগ খাতের অগ্রগতি ও সাইবার নিরাপত্তা বিষয়ে একটি তথ্যমূলক প্রতিবেদন উপস্থাপনা করেন। শিশুদের নিরাপদ ইন্টারনেট নিশ্চিতে আইএসপি অপারেটরদেরকে বিটআরসি কর্তৃক প্রণীত প্যারেন্টাল গাইডেস এর বিষয়ে যথাযথ পদক্ষেপ গ্রহণের জন্যে নির্দেশ প্রদান করেন তিনি।

মতবিনিময়কালে বিটআরসি'র চেয়ারম্যান বরিশালের টেলিযোগাযোগ খাতের বিভিন্ন সেবা সম্পর্কে অভিযোগ শুনে কতিপয় অভিযোগের তাৎক্ষণিক সমাধান দেন এবং বিদ্যমান অন্যান্য অভিযোগ সমাধানের আশ্বাস প্রদান করেন। একইসাথে অভিবাবকদের সাইবার নিরাপত্তার বিষয়ে অধিক সচেতন হওয়ার প্রতি গুরুত্ব আরোপ করেন এবং টেলিযোগাযোগ সেবা সংক্রান্ত হেল্পলাইন ১০০ নম্বরে ফোন করে সরাসরি অভিযোগ করার আহ্বান জানান। সরকারের অন্যতম উদ্দেশ্য ইন্টারনেট সেবাকে সকলের কাছে সহজলভ্য করে তোলা উল্লেখ করে প্রধান অতিথি আরো বলেন, সাইবার জগতে ক্রমবর্ধমান পর্নোগ্রাফি, জালিয়াতি ও ইন্টারনেট ব্যবহারকারীদের ব্যক্তিগত গোপনীয়তা লঙ্ঘন ঠেকাত বিটআরসির ডিজিটাল সিকিউরিটি সেল কাজ করছে। অনুষ্ঠানে মোবাইল ফোন অপারেটরগণ তাদের সেবা নিয়ে গ্রাহকদের বিভিন্ন অভিযোগের বিষয়ে জবাব প্রদান করেন।

মতবিনিময় সভায় শিক্ষাবিদ, আইনশৃঙ্খলা বাহিনী ও জেলার উর্ধ্বতন কর্মকর্তাগণ, মোবাইল অপারেটর, এনটিটিএন অপারেটর, টাওয়ার কোম্পানি, আইএসপি অপারেটর, বিটসিএল ও টেলিটকের প্রতিনিধিগণ, গণমাধ্যমকর্মী ও আমন্ত্রিত মুশীল সমাজের প্রতিনিধিগণ অংশগ্রহণ করেন।

প্রাপক (সদয় কার্যাবর্তী):

১। উপ-মহাপরিচালক (বার্তা)

বাংলাদেশ টেলিভিশন এবং

অনুরোধক্রমে

২। সম্পাদক/ প্রধান বার্তা সম্পাদক, দৈনিক সংবাদপত্র;

২৬০৮২০২৬
মো: জাকির হোসেন খান

হেড অব নিউজ/ চীফ নিউজ এডিটর/অ্যাসাইনমেন্ট এডিটর;

উপ-পরিচালক

বার্তা সংস্থা/ টেলিভিশন চ্যানেল/রেডিও চ্যানেল;

(মিডিয়া কমিউ: এন্ড পাব: উইং) বিটআরসি।

অনলাইন নিউজ পোর্টাল, ঢাকা, বাংলাদেশ।

যোগাযোগঃ ০১৫৫২২০২৮৪০

বিতরণ (সদয় অবগতির জন্য):

১। সচিব, বিটআরসি।

zakirkhan@btrc.gov.bd

২। চেয়ারম্যান মহোদয়ের একান্ত সচিব (ইহা মহোদয়ের সদয় অবগতির জন্য), বিটআরসি।

৩। ভাইস চেয়ারম্যান মহোদয়ের ব্যক্তিগত কর্মকর্তা (ইহা মহোদয়ের সদয় অবগতির জন্য),

বিটআরসি।

৪। অফিস কপি।